

նաց . մինչ զի մերձ լինիլ հանել աղմուկ չիտթի և խռովութեան : Եւ յերկրորդեւն Հայոց քննել զտեղիս և որոշել , սրտմտեալ Դատաւորին բարկութեամբ ել անտի եւ եմուտ յեկեղեցին Յունաց , առեալ ընդ իւր զԲաղաքապետն և զհամախոհս իւր : Սակայն գործակալքն ակնարկէին Հայոց լռել և համբերել , և ինքեանք չափեցին ըզյայտնի տեղիս նոցա և նշանակէին զնոր շինեալսն և զնորոգեալսն 'ի բանից Յունաց , ուր էր և Թարգմանն Լատինաց . Հայք յառաջագոյն պատրաստեալ էին անդ զպատկերս , զի ակն ունէին դնել զնոսա յիւրաքանչիւր տեղիս զկնի քննութեան . տեսեալ զնոսա Դատաւորին՝ մատնութեամբ Յունաց և քաղաքապետին՝ զայրացաւ յոյժ , եւ կոչեալ զմանսն 'ի Հայոց , սկսաւ յանդիմանել զնոսա բարկութեամբ առաջի բազմութեան , զիա՞րդ համարձակեցայք ասէ մուծանել զնոսա 'ի ներքս , և ո՞վ ետ ձեզ հրաման , մի և մի երբէք լիցի ձեզ յուսալ՝ թէ թողում կախել ըզկուռս ձեր և պաշտել զնոսա աստ , զի ես Միւսիլուման եմ գիտեմ զօրէնս իմ եւ երկնչիմ յօրինաց : Հայք ասեն՝ պատրաստեցաք զայնս կախել ըստ հրամանի ձերում . զի սովորութիւն է քրիստոնէից դնել պատկերս յեկեղեցիս , և համարձակ պաշտել զօրէնս , որոց հրամայեալ են Թագաւորք և Դատաւորք , և դու զիա՞րդ արգելուս զմեզ յօրինաց մերոց :

Դատաւորն աղաղակէր՝ ես յաւուրս իմ չթողում կախել զպատկերս , այլ նոքա ամենեքին որք յառաջ քան զիս եկին և հրաման ետուն , ոչ են իսլամք և օրէնագէտ . զի եթէ Արքայն իսկ հրամայեսցէ , այլ ես ոչ թողում : Հայք ասեն . արգելումդ վասն ամենայն քրիստոնէից է , թէ միայն Հայոց , Դատաւորն . ընդէ՞ր եւ զայլս 'ի մէջ բերէք , զձեզ այժմ այսպէս գտի՝ և այսպէս թողում , Հայք . ո՞չ ապաքէն հաւատակիցք մեր ամենեքեան կախեալ են , նոյնպէս եւ մեք 'ի տեղիս տեղիս . այլ զմանս ոչ կարացաք կախել զկնի շինութեան , այժմ տեղիքն մեր սրտչեցան և պատկերքն պատրաստք : Այլ նա եւս քան զեւս զայրացեալ սկսաւ զանպատեհս խօսիլ և նախատել զազգն՝ եւ այսպէս անկատար թողեալ զքննութիւնն մեկնեցան անտի :

